

INUIT ATAQATIGIIT

Inatsisartuni



05. juli 2017

Inatsisartut suleriaasiat §37 naapertorlugu Naalakkersuisunut apeqquteqaat:

- 1. Nunaqarfimmi Alluitsup-Paani tunitsivik ammaqqissinnaanera pilersaaruteqarfingineqarpa?**
- 2. Alluitsup-Paani tunitsivik pisassanik tuninneqarsinnaanera periarfissaava?**
- 3. Alluitsup-Paani tunitsivimmi piginneqataasut peqatigalugit tunitsiviup ingerlaqqissinnaanera ujartuiffingineqarsinnaanerpa?**
- 4. Nunaqarfimmi suliffissaqartitsinissaq eqqarsaatigalugu periarfissanik allanik ujartuinissamut pilersaaruteqartoqarpa?**

(Debora Kleist, Inatsisartuni ilaasortaq, Inuit Ataqatigiit)

Tungavilersuut:

Siornatigut Alluitsup-Paa tassaannikuvoq nunaqarfik suliffissaqarnermik ingerlatsilluartutut tusaamaneqarnikuusoq, nunaqarfimmi innuttaasut eqeersimaarlutik suliffimminnik paarsilluar-litullu aallussinikuupput, fabrikkip ingerlalluarneranut tunngaviliisuullutik. Nunaqarfiup ukior-passuarni inuussutissarsiornikkut suliffissaqarnikkullu ingerlalluarneranut qitiulluinnarnikuvoq rejerleriffeqarsimaneq, tunitsiveqarsimaneq. Inuttaassut nammineq pilersornerusimanerannut takussutissaq ersarisooq.

Ukiunilu kingullerni ilisimaaraarput nunaqarfifit allat peqatigalugit tunisassiorfiat iluamik inger-lanngitsoq, allaat ullumikkut uninngavissorluni. Tamatumma kingunerisaanik nunaqartut allamut nutsernerannik aamma kinguneqartumik. Minnerunngitsumillu innuttaasut suliffissaaleqiner-mik eqqugaanerannik, ulluinnarnilu atugarisaannut kalluaanngitsuungitsumik killiffeqartitsumik.

Ilanngullugu taarusuppara ullumikkut aalisarnermik piniarnermillu inuussutissarsiuteqartut eqqugaanerat annertummat, allaat ullumikkut puisip amiinik tigooraasoqannginnerat pissutigalugu tunitsivissaaleqineq, inuuniarnermilu imaannaangitsumik atugassaqartinneqarnerannut ilalersuutaammata.

Ullut suliffiusut qulit ingerlaneranni akineqarnissara kissaatigaara.